



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Was im namen des || Heiligen Euangeli vnsers Herren ||
Jesu Christi/ ietzund zů Bon[n] jm Stifft Cöllen/|| gelehret
vnnd geprediget würdt.||**

Bucer, Martin

Bonnæ, [1543]

VD16 B 8955

Von der neuwen geburt vnd ihren fruchten.

urn:nbn:de:hbz:466:1-36817

Kindschafft Gottes vertröset vnd vergewisset in mit
steyffem glauben/ als iren lieben vatter in allen anligē
anrueffen/ in ob allen lieben/ vnd in dienen auch vmb
seines namens willen alles creutz vnnnd widerwertig-
keyt gedulden vnnnd ertragen mögen. Dabey auch des
vertröset vnnnd versicheret/ so inen als lang sie hie le-
ben/ das widerwertig gesatz in iren gliderē dermassen
anhanget vnd im weg ligt/ also das sie dem gesatz des
Herren nimer genug thün/ sonder irerhalben alweg in
vngheorsame vñ arme verdampfte sünd er bleyben/ das
sie Christū vnsern Herrn dē gerechten bey dē Vatter zū
einē fursprechen habē/ der auch nit allein für sie bitter/
sonder die versünig seye für ire sünd/ vñ setze sein vol-
kōne gehorsame für sie/ vñ erstatte damit ire vngheors-
same/ das auch alle züchtigung des Herrn in kräckheie-
ten/ vñ allen anderen vnfall vñ leiden/ inē da zū durch
seine gnad gewislich/ so sie die in warē glaubē auffnes-
mē/ dienen werde/ das die sundtliche lust vnd begerdē/
in inē jemer meer getödtet vnd außgefegēt/ vnd sie zu
dem Götlichen gefallen erneueret werden.

Johan. 6 Vnd wiewol der Herr in den seinen lebt/ vñ sie sein
Galat. 2 H. Geyst/ der in inen wohnet/ zū disen gutten allein
Roma. 8 treybet/ ja wircket in inen alles solches güttes wöllen
Philip. 2 vnnnd thun/ doch so bekenne vnnnd bezeuge ich/ das der
 mensch nichts rechts glauben/ lieben oder guts thun/
 oder arges lassen kan/ das Gott gefellig seye/ dan mit
 freyen selb willen/ neygunng vñ thun. Ich hab heut wi-
im 5. buch der euch (sagt Mose) bezeuget himel vnd erden/ vnnnd
Mose. hab euch fürgelegt das leben vnnnd den todt/ die bene-
 deyung vnnnd maledeyung/ so wehle das leben das du
 lebest